



საქართველო GEORGIA

გარემოს დაცვისა და
სოფლის მეურნეობის
სამინისტრო

MINISTRY OF ENVIRONMENTAL
PROTECTION AND AGRICULTURE
OF GEORGIA

N 1780/01
24/02/2022

1780-01-2-202202241139



შპს „უნივერსალს“

მის: ქ. თბილისი, მთაწმინდის რაიონი,
სოფელი შინდისი, გელაზის ქუჩა №3

საქართველოს გარემოს დაცვისა და სოფლის მეურნეობის სამინისტრომ განიხილა თქვენი 2021 წლის 30 დეკემბრის გარემოსდაცვითი გადაწყვეტილების მიღების მიზნით წარმოდგენილი N24515 განცხადება, რომელიც ეხება გარდაბნის მუნიციპალიტეტში, სოფ. თელეთის ტერიტორიაზე ცხოველთა სასაკლავოს მოწყობასა და ექსპლუატაციას და გაცნობებთ, რომ გზშ-ის ანგარიშში არ არის მოცემული და დაზუსტებას საჭიროებს საქმიანობასთან დაკავშირებული საკითხები, კერძოდ:

- გზშ-ის ანგარიშში აღნიშნულია, რომ შერჩეული მიწის ნაკვეთის შესყიდვამდე განიხილებოდა სასაკლავოს განთავსების რამდენიმე ალტერნატიული ვარიანტი, თუმცა წარმოდგენილი არ არის კონკრეტული მდებარეობები, რაც საჭიროებს დაზუსტებას;
- საპროექტო ტერიტორიაზე ნიადაგის ნაყოფიერი ფენის არსებობასთან დაკავშირებით გზშ-ის ანგარიშში მოცემული ინფორმაცია იდენტურია სკოპინგის ანგარიშში მითითებული ინფორმაციისა, კერძოდ ორივე დოკუმენტში აღნიშნულია, რომ „საპროექტო ტერიტორიაზე ნიადაგის ნაყოფიერი ფენა არ გვხვდება, წარმოდგენილია მხოლოდ ეკლიანი მცენარეები, რომელიც ძირითადად ღორღიან ნიადაგზეა ამოსული.“ (გზშ-ის ანგარიშში, თავი 16.6; გვ. 54; სკოპინგის ანგარიშში, თავი 8, გვ. 19). ზემოაღნიშნულიდან გამომდინარე და იმის გათვალისწინებით, რომ ტერიტორიის ნაწილი წარმოადგენს სასოფლო-სამეურნეო დანიშნულების მიწის ნაკვეთს, საპროექტო ტერიტორიაზე ნიადაგის ნაყოფიერი ფენის არარსებობის შესახებ ინფორმაცია საჭიროებს დაზუსტებას, რათა არ მოხდეს ნიადაგის ნაყოფიერ ფენაზე (ასეთის არსებობის შემთხვევაში) რაიმე სახის უარყოფითი ზემოქმედება და დაცული იყოს „ნიადაგის ნაყოფიერი ფენის მოხსნის, შენახვის, გამოყენებისა და რეკულტივაციის შესახებ“ ტექნიკური რეგლამენტის მოთხოვნები;
- არ არის წარმოდგენილი სასაკლავოში წარმოქმნილი სისხლის ლაგუნაში შეგროვების მიზანშეწონილობის შესახებ ინფორმაცია/დასაბუთება, შესაბამისად

გათვალისწინებული და განხილული უნდა იყოს სისხლის მართვის სხვა ალტერნატივა;

- გზმ-ის ანგარიშში აღნიშნულია, რომ „ლაგუნიდან ამოღებული მასის გატანა დაგეგმილია სასოფლო-სამეურნეო დანიშნულების მქონე მიწებზე. ვინაიდან, აღნიშნული წარმოდგენს მაღალი ღირებულების მქონე ბიოლოგიურ სასუქ მასალას, მასზე მოთხოვნა ძალიან მაღალია. ამასთან, მიწებზე შეტანა მოხდება გაფანტვის მეთოდით.“ გზმ-ის ანგარიშში არ არის წარმოდგენილი ლაგუნაში დაგროვილი (სისხლნარევი) მასის სასუქად გამოყენების პრაქტიკის (მათ შორის ქვეყანაში არსებული გამოცდილება) შესახებ სათანადო ინფორმაცია (აღნიშნულის დამადასტურებელი დოკუმენტაცია). გარდა ამისა, დაზუსტებას საჭიროებს ლაგუნიდან ამოღებული მასის, როგორც სასუქის ტერიტორიიდან გატანის საკითხი, კერძოდ მისი სასოფლო-სამეურნეო დანიშნულების მქონე მიწის ნაკვეთებზე შეტანა მოხდება უშუალოდ კომპანიის მიერ, თუ აღნიშნული მასა (ნარჩენი) გადაეცემა ორგანიზაციას/პირს. ამასთან, წარმოდგენილი უნდა იყოს ლაგუნიდან ამოღებული მასის სასოფლო-სამეურნეო დანიშნულების მქონე მიწის ნაკვეთებზე გატანის დამადასტურებელი ინფორმაცია;
- წარმოდგენილი დოკუმენტაციის მიხედვით, საწარმოს შესასვლელ და გამოსასვლელ კარებთან მოეწყობა სპეციალური სადეზინფექციო ბარიერები, რომლებიც მუდმივად სავსე იქნება სადეზინფექციო ხსნარებით ტრანსპორტის ბორბლების დეზინფექციის ჩასატარებლად. ხოლო ავტომანქანებიდან ცოცხალი პირუტყვის ჩამოცლის შემდეგ ძარა დასუფთავდება, გაირეცხება და ჩაუტარდება დეზინფექცია. დაზუსტებას საჭიროებს, ტრანსპორტის რეცხვის შედეგად წარმოქმნილი ჩამდინარე წყლების შემდგომი მართვის საკითხი, ამასთან თუ ხსნარების გამოყენებით ნარეცხი წყლების ჩაშვება გათვალისწინებულია ლაგუნაში, ასეთის არსებობის შემთხვევაში დაზუსტებას საჭიროებს ლაგუნაში წარმოქმნილი მასის გამოყენების საკითხი;
- გზმ-ის ანგარიშის თანახმად, ლაგუნისა და ცხოველთა სასაკლავოს მოწყობა დაგეგმილია სასოფლო-სამეურნეო დანიშნულების მიწის ნაკვეთებზე, რასთან დაკავშირებითაც განმარტებულია, რომ „საქართველოს კანონის მიწის მიზნობრივი დანიშნულების განსაზღვრისა და სასოფლო-სამეურნეო დანიშნულების მიწის მდგრადი მართვის შესახებ მე-6 მუხლის მე-2 ნაწილის თანახმად, სასოფლო-სამეურნეო დანიშნულების მიწის ნაკვეთი შეიძლება გამოყენებულ იქნეს შემდეგი დანიშნულებით: სასოფლო-სამეურნეო საქმიანობის ხელშეწყობისათვის (ქარსაფარი (მინდორდაცვითი) ზოლის, პირუტყვის გადასარევი ტრასისა და მოსასვენებელი მოედნის, შიდასამეურნეო გზის და სხვა ფუნქციით); ამასთან, ამ მიწის ნაკვეთზე შეიძლება განთავსებული იყოს ინდივიდუალური საცხოვრებელი სახლი, სამეურნეო ნაგებობა ან/და დამხმარე ნაგებობა (არვიცი ამ დამხმარე ნაგებობაში გავიყვანთ ლაგუნას)“ (თავი 5. „საპროექტო ტერიტორიის ადგილმდებარეობა“; გვ. 14). დაზუსტებას საჭიროებს ლაგუნა დამხმარე ნაგებობაა თუ არა ამ კითხვას ვინ უნდა გასცეს პასუხი;
- გზმ-ის ანგარიშის თანახმად, ტერიტორიაზე უცხო პირთა და ცხოველთა მოხვედრის თავიდან აცილების მიზნით, პროექტით გათვალისწინებულია მთლიანი საპროექტო ტერიტორიის მავთულის ბადით შემოღობვა, თუმცა საჯარო

განხილვაზე კომპანიის წარმომადგენლმა აღნიშნა, რომ საპროექტო ტერიტორია სავარაუდოდ შემოიღობება რკინა-ბეტონის ან/და ბლოკის ღობით. ამასთან გზშ-ის ანგარიშში (სუნიის გავრცელება და მოსალოდნელი ზემოქმედება და შემარბილებელ ღონისძიებები) აღნიშნულია, რომ ტერიტორია შემოიღობება არანაკლებ ორი მეტრი სიმაღლის ღობით. შესაბამისად, დაზუსტებას საჭიროებს საპროექტო ტერიტორიის შემოღობვის, მათ შორის სასაკლავოს, სადგომისა და ლაგუნის ტერიტორიების გამიჯვნის საკითხი;

- გზშ-ის ანგარიშში განხილულია ატმოსფერულ ჰაერში მავნე ნივთიერებათა გაფრქვევის 3 წყარო: მსხვილფეხა პირუტყვის სადგომი (გ-1); ღორების სადგომი (გ-2) და თხევადი ნაკელის განთავსების ლაგუნა (გ-3). თუმცა გზშ-ის ანგარიშის 63-ე გვერდზე (ფორმა N2. მავნე ნივთიერებათა გაფრქვევის წყაროების დახასიათება) ცხრილში მითითებულია გაფრქვევის წყარო 4 (გ-4). დაზუსტებას საჭიროებს გაფრქვევის წყაროთა რაოდენობა (ანალოგიური ხარვეზია “ატმოსფერულ ჰაერში მავნე ნივთიერებათა ზღვრულად დასაშვები გაფრქვევის ნორმების პროექტის” ანგარიშში);
- სასაკლავოს მოწყობა - დაგეგმარების დროს გათვალისწინებული უნდა იქნას „ცხოველთა გადამდები დაავადებების საწინააღმდეგო პროფილაქტიკურ-საკარანტინო ღონისძიებათა განხორციელების წესების დამტკიცების შესახებ“ საქართველოს მთავრობის 2015 წლის 14 ივლისის №348 დადგენილებით განსაზღვრული მოთხოვნები. შესაბამისად წარმოდგენილ იქნას აღნიშნული მოთხოვნების დაცვის შესახებ ინფორმაცია.

გთხოვთ, ორი თვის ვადაში უზრუნველყოთ დაზუსტებული/დამატებითი ინფორმაციის წარმოდგენა სამინისტროში. აღნიშნული შენიშვნების გათვალისწინებით დაზუსტებული ინფორმაციის წარმოდგენამდე სამინისტრო მოკლებულია შესაძლებლობას გასცეს გარემოსდაცვითი გადაწყვეტილება

ნინო თანდილაშვილი

მინისტრის მოადგილე

